



UPA 2026/122-1

04. juni 2026

Bentiaraq Ottosen

Atassut

## **Akileraarutip apparneqarnissaanik pillugu apeqquteqaat aallaavigalugu oqallinnissamik siunnersuut**

(Inatsisartunut ilaasortaq Aqqalu C. Jerimiassen, Atassut)

Akileraarut 30%-ingussaaq!

Taamak toqqaannartigisumik Atassummiit siorna 2025-imi qineqqusaarnermi oqariartuuteqarpugut.

Naalakkersuisut nassuiaatigisaat naak allatut nipeqaraluartoq, maannakkornit inuiaqatigiinni allaffissornerujussuaq piusoq qiviassagaanni, akileraartarnikkut siunnersuutigisarput siunnerfigisarpullu sulisipariinnerpaatut iluseqassasoq isigaarput nailerlugulu.

Inuiaqatigiinni isertitakittuunermit isertitaqqortunerusumut ikaarsaarnissaq ullumikkut orniginarnerpaarsuurtut isikkoqanngilaq, tassami isertitat aallaavigalugit akileraartarneq taamatullu tapiisarneq annertungaatsiarmat.

Immaqalu nunarsuarmi qanorluunniit kisiartaagunarpugut, sulisimanerput pillugugooq pisortanit akissarsitinneqartaratta aningaasanik tunineqarluta.

Oqaatigineqartaraluarpoq iluaqussuuserooq arlalippassuarnut, tamaattoq isertitakitsuunermiik isertitaqqortunerusinnaanermut kittat ilaattut inissisimatitsisusooq Atassummiit isumaqarpugut.

Atassut partiiuvoq talerperliusoq, taannaavorlu partiip pilersinneqaqqaarnerminiilli ilisarnaatigilluartagaasa ilageriigaat, inuk nammineertoq kiffaangissusilik.

Allat partiit nuna nammineertoq eqqartortuarpaat, Atassutip inuk nammineertoq eqqartorpaa, inuk qitiutillugu inuiaqatigiinni toqqissisimaneq pilersinneqarsinnaasoq upperalugu, inuk tatigalugu, inuk qiteralugu.

Nunatsinni isertitagissaartuuneq ajoraluartumik nikassaatitut inatsisartut ataatsimiittarfianni nalinginnaasupajaatulluunniit oqaatiginiarneqartarpoq, tassami oqaaseq tusartuarparput "pisoorsuinngooq kisimik", tassami pisoorsuaq oqaaseq atussagaanni illuatungerimmagu oqaaseq; piitsulukasik.

Taamak oqartartuugutta uagut talerperlikkormiuusugut qanormita aappaluttut orangellu qisuariassagaluarpat? Naatsorsuutigereersinnaavarput oqaaseq taanna atoqquneqarunnangitsoq maani inersuarmi.



Nunatsinni ukiut tamarluinnaasa utertoornepassuit tapernerpassuillu akileraarutigut pisarput, taakkulu akileraartarnermut aqutsisoqarfimmi akiliisitsiniartarnermullu oqartussaqaarfimmi annertuumik suliaasarput. Tassalu taanna taasarpur allaffissornermik sulineq, allanngorusoqisarput Atassummiit.

Inummut ilanngaar, sulinermit ilanngaar, ilanngaatigineqarsinnaasut allat, akissarsiat akileraarusigassaangitsut ilaalu ilanngullugit, imaluunniit aataaqii ilaalarlugu osv.osv....

Tamakkua ataatsimut nalilersoreerlugit Atassummiit siunnerfiginikuuarput tamatsinnut ajornaannerpaamik suleriutsimik ingerlariuseqartariaqartugut ukiup naanissaanut ilerasuuteqarata taperatarsinnaanermik.

Tassami naggataani nammineerseq nammineq pigaar, illit akissarsiornerit aningaasaqarnikkullu ingerlanerit annertunerpaamik kiffaangissuseqarfigisariaqarpat.

Naak takusinnaasatsinni tamanna annerusumik isuma tapersorsorneqarpassippallaanngikkaluartoq, Atassummiit siunertaq suli pimoorullugu ingerlanniartarumaarparput, neriungaarpugullu tamanna siunissami anguneqarsinnaajumaartoq.

Oqallisissiaqartumut qujalluta Atassummiit naalakkersuisut sulilluarnissaannik kissaappagut.